

Broj: 42 1 I 00000281 24 I - SK
MAGLAJ, 25.03.2026. godine

OPĆINSKI SUD U ZAVIDOVIĆIMA ODJELJENJE U MAGLAJU, sudija Seka Bradarić, u izvršnom postupku tražioca izvršenja KJD d.o.o. Maglaj, Ulica mladih br. 4, Maglaj protiv izvršenika Drage Lukića, Krsno Polje bb, Maglaj, radi duga od 204,98 KM sa sporednim potraživanjima, 25.03.2026.godine donio je sljedeći

ZAKLJUČAK

O PRVOJ PRODAJI POKRETNIH STVARI IZVRŠENIKA

1. Određuje se ročište za **PRVU** prodaju pokretnih stvari izvršenika, putem USMENOG JAVNOG NADMETANJA, za dan **05.2026.godine u 10,35 sati** u zgradi Općinskog suda u Zavidovićima, Odjeljenje u Maglaju, ul. Viteška bb, kancelarija broj 57.
2. Prodavat će se pokretne stvari izvršenika i to:
 - TRPEZARIJSKI STO SMEDE BOJE 100x100, po početnoj cijeni od 150,00 KM.
3. Sudski izvršilac je dana 18.03.2026.godine obavio pljenidbeni popis i procijenio vrijednost pokretnih stvari o čemu je sastavio zapisnik. Zaplijenjene pokretne stvari ostavljene su na čuvanje izvršeniku uz zabranu za dalje raspolaganje.
4. Na zakazanom ročištu predmetna pokretna stvar se ne može prodati ispod $\frac{1}{2}$ utvrđene odnosno procijenjene vrijednosti.
5. Ponuđač sa najvećom ponudom dužan je platiti cijenu odmah nakon objavljivanja rezultata javne prodaje, osim ako sud zaključkom ne odluči drukčije. Ako to ne učini, drugi ponuđač će biti proglašen kupcem i biće dužan platiti cijenu koju je ponudio i tako redom dok ima ponuđača.
6. U slučaju da nijedan od ponuđača sa ponudom od $\frac{1}{2}$ procijenjene vrijednosti ne plati cijenu po pozivu suda, sud će na zahtjev jedne od stranaka oglasiti da prvo ročište za prodaju nije uspjelo, a svaka stranka može u roku od 8 dana zatražiti zakazivanje novog ročišta. Na drugom ročištu pokretna stvar se može prodati bez ograničenja u pogledu cijene.
7. Sud će obustaviti postupak ako ne bude predloženo drugo ročište u navedenom roku ili ako se pokretne stvari ne uspiju prodati ni na drugom ročištu.
8. Sud će u smislu člana 77. ZIP-a a u vezi sa članom 135. ZIP-a, zaključkom na zahtjev zainteresiranog lica, omogućiti razgledanje zaplijenjenih pokretnih stvari, te odrediti način i vrijeme njihovog razgledanja uz prisustvo sudskog izvršioca s tim da zahtjev mora biti podnesen u pisanoj formi 8 dana prije dana održavanja ročišta.
9. Na javnom nadmetanju pravo učešća imaju sva pravna i fizička lica izuzev lica iz člana 88. ZIP-a uz uvjet da su prethodno položila osiguranje koje iznosi 1/10 određene vrijednosti pokretnih stvari koje se žele kupiti. Od polaganja osiguranja oslobođen je tražilac izvršenja.

Osiguranje se polaže na depozitni račun Općinskog suda u Zavidovićima otvoren kod ASA banka d.d. broj 134-030-0000061026 sa naznakom broja predmeta.

10. Ovaj zaključak objavit će se na oglasnoj tabli suda, a stranke o svom trošku mogu objaviti ovaj zaključak i u sredstvima javnog informisanja.

Sudija
Seka Bradarić

Pouka o pravnom lijeku:
Protiv ovog zaključka nije dozvoljen pravni lijek.